


Polis di bario y di Oranjestad tabata tey mesora...

Intruso buscando placa a hinca habitante na Solito



e cas cu e victima ta. E victima a splica cu e tabata hasando hamburger y na dado momento e atracador a pidie pa placa, pero el a splica e atracador cu e no tin placa pasobra ta un pensionado e ta. Finalmente e victima a keda herida cu un corta na su braza robet. Personal di ambulance a dune prome auxilio unda nan a hibe hospital pa tratamento. Polis di bario ey tambe tabata tey mesora cerca e

victima unda a combersa cune pa haya sa kende ta e atracador cu tin algun dia moviendo den e barrio. Segun e victima a splica e polis di barrio, e atracador a bin pidi prome dia pa 50 Florin, di dos dia 25 y di tres dia 10 Florin, pero e contesta di e victima tabata cu e no ta un banco. Polisnan di Oranjestad y tambe polis di bario a core tur rond buscando e sospechoso de Mey cu segun e victima a hinke.

ORANJESTAD(AAN): Un habitante di Solito a bira victima diadomingo merdia ora cu un desconoci a bay na su cas y exigi pa placa. Segun e victima aki lo ta

trata di un homber cu ya caba tin tres dia ta move rond den e vecindario di Solito. Polis y ambulance tabata

busca tur manera di haya e cas, pero finalmente a logra haya un persona cu a bin splica nan unda precisamente

Molester na Savaneta Hende ta "Sandblast" riba Diadomingo

ORANJESTAD (AAN): Riba Dia di Señor tambe hende a hinca den nan cabez pa bay "sandblast" anto henter dia?

Diadomingo ta un dia cu tur hende ta drumi laat! Pues no por toca musica duro prome cu 12'or di merdia.

Pero na Savaneta e caso tabata peor! For di mainta caba a cuminsa haci trabao di Sandblast.

Bisiñanan a soporta esaki henter dia. Ora cu 7'or di anochi a bati y ainda na un cas tabatin "Sandblasting" andando... E ora nan a fada y a yama Polis.

Por a scucha "grito di alegria" di e bisiñanan, ora cu porfin Polis a ordena e habitante pa e paga e machin di Sandblast.

E mester corda cu Diadomingo ta un Off-Day. Dia di relaha! No un dia di molestia bisiñanan.

PLACA, PLACA, PLACA... MAS PLACA!!

